



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 121. Hujus Regis virtutes, ac vitia.

[urn:nbn:de:hbz:466:1-66800](#)

Sæcul. XVI.
A.C. 1559.

§. CXXI.

Hujus Regis virtutes, ac vicia.

Enimvero hic Princeps præclaris animi dotibus inclarescebat; erat enim magnanimus, & bellicosus, ac prospero ferme semper Marte Regni limites extendebat: Insuper æquitatis studiosus, subditis suis carus, liberalis, comes, ac benignus deprædicatur, ac vere sine nævo diceretur, si ejus mores externæ agendi rationi confoni fuissent: attamen elegans corporis sui habitudo, facies blanda, ac serena, animi sui comitas, necnon ipsius in omni exercitatum genere dexteritas, virium robur, atque agilitas minime conjunctæ erant cum animi constantia, laboris assiduitate, prudentia, atque in rebus discernendis judicio, quæ tamen dotes ad felix regimen oppido necessariæ sunt. Ceterum primævo naturæ beneficio benignus erat, atque ad æquitatem propensus, quamvis nunquam sui ipsius arbitrius esse auderet, cumque alieno potius, quam suo ingenio regeretur, existit omnium origo malorum, quæ illi perpetrabant, a quorum arbitrio pendebat: nec ulla etiam excusatione celiari potest nefandum illius commercium cum Diana Pictaviensi, Valentina Ducessa, quæ cuncta pro summo imperio in

in regno moderabatur, adeo, ut ipsimet Sæc. XVI.
etiam Regis Ministri æque, ac clientes A.C. 1559.
ab illius nutu dependerent, quinimo
Annas etiam Monmorantius Connesta-
bilis, quamvis Regi in paucis carus, at-
que aliunde severi supercilii vir esset,
nihilominus ad hujus pellicis favores
recurrere cogebatur: nihil tamen ma-
gis admiratu dignum est, quam sum-
mum illud imperium, quo hæc mulier
Regis animo dominabatur; quamvis
enim jamjam adeo proiectæ esset æta-
tis, ut ceteræ ejusdem furfuris fœmi-
næ tum amorum illecebris nuntium
mittere soleant, illa adhuc tantopere
Regem fascinabat, ut etiam nefandos
vetulæ meretricis suæ amplexus, qui-
bus ea passim aliis procis affueverat, in-
dulgenter tolerare compelleretur.

§ CXXII.

Henrici II. Conjuges, ac liberi.

Ceterum Henricus II. die vigesima se- Hist. geneal.
de la
ptima Decembbris Anno Domini Maison de
millesimo quingentesimo trigesimo quin- France par
to, cum adhuc Franciscus I. ejus Pater, Sainte
ac Delphinus frater viverent, sibi de- Marthe t. I.
sponsabat juxta foederis initi leges Ca- p. 764. &
tharinam Medicæam, quæ unica erat suiv.
Laurentii Medicæi Urbinatis Ducis, &
Magdalena de Turre Alvernia filia.
Hæc decimum conjugii sui annum age-
Hist. Eccles. Tom. XLIII. P bat,